

Na osnovu čl. 1., 4. i 8. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i u skladu sa čl. 2. i 4. Odluke o obimu, uvjetima i vremenskom rasporedu otvaranja tržišta električne energije u Bosni i Hercegovini (“Službeni glasnik BiH”, br. 48/06 i 77/09), na sjednici Državne regulatorne komisije za električnu energiju, održanoj ** oktobra 2014. godine, donijet je

PRAVILNIK

O IZMJENAMA PRAVILNIKA O SNABDIJEVANJU KUPACA ELEKTRIČNOM ENERGIJOM U BRČKO DISTRIKTU BOSNE I HERCEGOVINE

Član 1.

U Pravilniku o snabdijevanju kupaca električnom energijom u Brčko Distriktu Bosne i Hercegovine (“Službeni glasnik BiH”, broj 94/13), u članu 3. definicija ‘**Nekvalificirani (tarifni) kupac**’ briše se.

Član 2.

U članu 5. stav (2) briše se.

Član 3.

Član 6. mijenja se i glasi:

“Član 6.

(Javno snabdijevanje)

- (1) Kvalificirani kupac električne energije iz kategorije domaćinstva i mali kupac koji ne izaberu snabdjevača i ne zaključe ugovor o snabdijevanju, može kupovati električnu energiju od javnog snabdjevača.
- (2) Javno snabdijevanje se obavlja u obliku univerzalne usluge i u obliku snabdijevanja u krajnjoj nuždi.”

Član 4.

U članu 7. stav (3) briše se.

Član 5.

U članu 10. stav (2) tačka h) mijenja se i glasi:

“h) kategoriju potrošnje i tarifnu grupu kupaca kojoj kupac pripada i obračunske elemente grupe po tarifnom sistemu za kupce koji se snabdijevaju u okviru pružanja univerzalne usluge,”

Član 6.

U članu 8. stav (1) mijenja se i glasi:

“Snabdjevač u slučaju krajnje nužde preuzima snabdijevanje kupaca koji nemaju pravo na snabdijevanje u okviru univerzalne usluge, bez podnošenja posebnog zahtjeva, ako njihov snabdjevač napusti tržište električnom energijom čime gube snabdijevanje električnom energijom i ostaju bez bilo kojeg oblika zaštite.”

Član 7.

U članu 17. stav (2) mijenja se i glasi:

“Javni snabdjevač snabdijeva kvalificiranog kupca iz stava (1) ovog člana po cijeni usluga snabdijevanja koja je utvrđena na osnovu metodologije za određivanje tarifa za snabdijevanje električnom energijom u okviru javne usluge u Brčko Distriktu BiH.”

U istom članu stav (3) briše se.

Član 8.

Poglavlje **V. CIJENE I TROŠKOVI SNABDIJEVANJA**, briše se.

Dosadašnja poglavlja **VI. PROMJENA SNABDJEVČA** i **VII. PRIJELAZNE I ZAVRŠNE ODREDBE** postaju poglavlja V i VI.

Član 9.

Član 24. mijenja se i glasi:

- (1) Kvalificirani kupci iz kategorije domaćinstva i mali kupci pravo na slobodan izbor snabdjevača električnom energijom mogu koristiti od 1. januara 2015. godine.
- (2) Kvalificirani kupci iz kategorije domaćinstva i mali kupci koji ostanu bez snabdjevača, po automatizmu prelaze na snabdijevanje u okviru univerzalne usluge.
- (3) JP Komunalno Brčko je dužno snabdijevati one kvalificirane kupce koji ne izaberu svog snabdjevača.
- (4) U slučaju da kvalificirani kupac promijeni snabdjevača električnom energijom, novi snabdjevač dužan je da obavijesti prethodnog snabdjevača kao i operatora distributivnog sistema u Brčko Distriktu BiH o nastaloj promjeni.”

Član 10.

U članu 27. stav (1) riječi: “Kupac iz kategorije domaćinstva i mali kupac“ zamjenjuju se riječima: “Kvalificirani kupac koji nema pravo na snabdijevanje u okviru univerzalne usluge”.

Član 11.

Ovaj pravilnik stupa na snagu osmog dana od dana objave u “Službenom glasniku BiH”, a objavit će se i u službenim glasilima entiteta i Brčko Distrikta BiH.

Broj: 04-28-5-xxx-xx/14

** . oktobar 2014. godine

Tuzla

Predsjedavajući Komisije

Nikola PEJIĆ